

廣州李氏族譜序

昔余幼時從曾大父所見廣陵世譜印以活字只錄子婿不及外孫私恨具甚略及長究古人之宗法乃知此譜有深意蓋出東臯相公之指云壬辰兵禍國籍盡灰而況於家譜乎宗老李士溫氏習知吾東諸閩世系重纂內外譜甚備以要余校印而未果一日聞韶李使君士修氏寄示姓譜一本全述東臯相公之舊書且倣蘇氏譜之詳略嚮之未及校者一見愜意信乎知要而能世業矣間有一二差漏處輒以所聞釐正仍序其顛末而還之噫吾適村先祖乍忤逆眈逮禍遠避叅議先祖叩馬諫獻廟於昭悼之變直聲偉節古固無比為後孫者苟忝其家聲則能無愧於此譜乎而適村以後雖遠而一枝也本是同根不與之相睦者獨何心哉念祖先之情觀譜而油然而發則具亦有所感於此夫

萬曆四十一年歲在癸丑孟夏効忠奮義炳幾翼社奮忠秉義決幾亨難功

臣大匡輔國崇祿大夫議政府領議政兼領

經筵弘文館藝文館春秋館觀

象監事 世子師漢原府院君李德馨書

廣州李氏世譜序

惟我廣李之名於世久矣東臯漢陰二公刊正世譜於前後其後宜晚氏按節北道時又有追刊之舉而遠地諸宗未及聞知頗多遺闕可勝惜哉概仁時郁誠順昌廣城君派也慶律東秀廣原君派也各在僻鄉未及修單而譜牒先成矣嘗觀漢陰相公日記云博士公之長子生員公靜菴先生門人也疏救靜菴事流于平海漢陰公之所以發呼也其子孫幸在於高山而近間宗人有日躋氏特以敷睦之誼追譜同宗之見漏於譜牒者始知誠為生員公子也昔年修譜時無后二字誤矣生員公墓在於大興牛井洞其後裔連綿不絕尤極幸矣誠以下四代附錄於舊譜空間文房及仁時郁順昌慶律東秀等子孫追刊於第四卷而并印高山派遺錄後跋使吾宗知生員公避禍之攸以也甲辰修譜

後諸派遺漏想多而摘發闕漏刊成一部俾壽其傳以俟日後合譜同刊焉
崇禎甲申後一百二十三年丙戌夏後孫春秋館侍講院知製教兼經筵
侍讀官記注官基德謹叙

廣州李氏世譜序

粵余自幼愛玩世譜審究世德則蓋我李氏之名於吾東者厥惟舊矣繼而觀
東臯相公之撰定又嘗觀漢陰相公之繼叙於休我李氏之源來信乎久且遠
矣而漢陰云壬辰兵禍國籍盡灰而况家譜乎嗚呼壬辰以前世譜未知其詳
而遁村以後逮我

聖朝極顯於光廟成廟之時暨乎明宣之世名賢碩輔踵代出其餘
擢舉榮揚世不乏人非但文章之焜耀黼黻翼社之偉烈為如何哉猗歟李氏
榮耀世所罕傳余於是乎歆仰世哲之徽蹟而深懋其東臯漢陰兩相之功光
祖宗又知夫宗老李士溫氏重纂之功暨使君李士修氏釐正之功於斯為盛

而惟我私心之有所嗟惜者越在甲辰北伯按藩之時又以重修世譜設譜廳發文於八路諸宗欲以各派咸繼大譜則其所為先厚宗之意盛且摯矣而惟我諸宗各派其麗不啻千萬則大譜印刊之役未可以歲月期也惜乎不過一年而止故惟先祖博士公長派以無后誤註之且樽巖公雲仍卒以闕漏於甲辰刊譜焉噫我所居之拋於北藩相去非啻千餘里則惟吾之未得見譜通終未修單奉送其時譜廳有司之不得收單同刊勢所然矣北伯公既以掌刊大譜同系諸宗則雖是寒族之見漏猶為不幸矧我樽巖公以後名士清宦連綿不絕則吾家之榮揚非但諸宗之所共知抑亦京鄉之所共識也則吾家之譜闕豈徒為吾之姑恨亦豈非諸宗之虧欠處耶余嘗以甲辰之譜闕未嘗不增慨也何幸宗族李日躋氏誠深為先明知諸宗世系重修刊譜而尤敬緝我內外譜甚詳刊譜示余惟余私心之慶者已不可言而信亦吾宗之大幸也歟因請余繼叙我雖不文安敢辭焉不勝追撫感懷纒叙數語敢記云

崇禎甲申後一百二十三年丙戌夏樽巖公八代孫通德郎弘德謹叙

廣州李氏世譜序

惟我廣州之李自遁村公以後為世大族散在京鄉列邑其麓不億而吾先祖忠正公始述族譜以示敦宗之誼自庚戌以至甲辰自甲辰以至丙辰則族叔父叅判公又繼而成之是役也凡三重修也而各宗之疏遠者靡不收入則其意豈不盛且至哉然舊譜中生員公諱若水下以空間書之及重刊時始知有諱誠卽生員公子也而其子孫流落南邑零丁孤子終至見漏於大譜為同宗者未嘗不痛恨嗟惜矣今年夏生員公十世孫載會十一世孫秉萬持其家乘及生員公手藁詩文來言于余余驚喜奉閱悅若親炙於當時而不覺感愴之極也嗚呼生員公以直節大義疏救靜菴先生為群少所斥流竄于平海宜其為子孫者避其鋒螫流落于南鄉之僻處也嗚呼古人云仁者必有後生員公卓卓行義猶將十世見宥則不獨驗之於人而亦可取必於天乎又聞族侄益

會因博士公墳山得於失傳之後與其大興高山之宗人相見考其家乘審其派系則生員公卽博士公長子而樽巖公其次也提學公又其次也高山之宗人為博士公長派昭然無疑云此非徒一派一派之幸亦豈非諸宗之所同慶者乎今此載會秉萬欲述派譜以追其先世飲恨之事而以余為忠正家孫有功於族譜淵源故請記於余余樂成先父兄之志畧叙以俟後日云爾

上之二十六年丙戌端月忠正公九代孫成均進士基善謹識

廣州李氏世譜序

嗚呼惟我樽巖公先祖昆季三派子孫皆孤子零落未嘗不痛恨嗟惜而直學公子孫叅於附錄猶可考信而至於進士公派則居在高山其家藏進士公手藁遺蹟昭昭可證然緣於子孫之孤單且所居僻遠不能自達於原譜豈惟為本孫者之所深痛至恨而亦豈非諸宗之虧欠處耶大興則為其相去稍近且因生員公書社與墳山之在是得知有宗人之居在其處此意之忻踊慰洽有

若親昆弟叔姪之相失而復見庶可慰昔日嗟傷之懷也歲甲申博士公墳山
尋得於累十載失傳之餘故通告于兩處宗人會而相慶則其追慕之心幹畫
之誠一是出於心騰肝膈雖無待於譜之有無而相愛之意油然而生矣嗚呼
進士公之與吾先祖湖堂公於第居先而其貞忠大義百世之下聞其風者猶
能奮發興起況為其子孫者哉然而一自己卯以後其零丁流落非惟不能世
其祖烈而泯然無聞以至見漏於吾宗姓譜此豈非一大不幸者乎此所以原
譜時春秋館信筆眷眷于此也今具十世孫載會及十一世孫秉萬欲述派譜
以待後日余聞而嘉之因欲三派一譜以補前日久闕而大譜之作年代不遠
故姑書此以俟後之作者云

上之二十六年丙戌中夏樽巖公十代孫益會謹識

廣州李氏族譜序

我李籍于廣州麗朝國子生員公第二子適村先生始顯於麗季以文學志節

冠冕一世享龜巖書院廣李之華胄名門蓋先生而基之先生三子俱登文科
長子之直有直道清節官刑曹參議寶文閣直提學追被清白選次之剛右叅
贊謚文肅公次之柔星州牧使叅議三子皆登第曰長孫舍人曰仁孫右議政
謚忠僖公曰禮孫黃海道觀察使舍人公長子克圭兵曹叅議忠僖公五子俱
登科曰克培領議政封廣陵府院君謚翼平公曰克堪刑曹判書封廣城君謚
文景公曰克增判中樞封廣川君謚恭長公曰克墩左贊成封廣原君謚翼平
公曰克均左議政封廣南君觀察使公二子長克基文科禮工曹叅判次克堅
南臺左通禮我李之華閥於斯為盛五相聚門八君盈朝矣惟牛泉公若水文
景公克堪之曾孫京畿觀察使公世佑之孫博士公滋之嫡胄而已卯名賢也
禍作陳疏首抗章被拿泣玦拷訊杖流平海辛卯量移禮山而卒于謫廬時公
之嗣子誠尚年幼隨其母夫人尚州朴氏避禍雲仍流落緄遭內艱後日落南
于高山縣後承亦晦跡于幽谷故因宗族阻絕庚甲二譖闕漏然 英祖丙戌

始鈇派譜後 純祖丙戌再刊且癸酉己未兩大譜為合譜云而豈非名賢古蹟顯晦有時耶頃者公之十五代孫教授鍾國從上記世譜及其宗家寶藏之牛泉遺稿單卷為新刊派譜事持叅于大宗會晶來重載共覽而是世蹟家寶者得古人書證也昭穆分明文獻為證故茲以前文謹述焉
檀紀四千三百六年癸丑正月十五日

廣州李氏大宗會都有司國會議員重載謹識

廣州李氏派譜序

惟我先祖牛泉公 成宗丙午生而從學于寒暄金宏弼先生門因師友於靜菴趙光祖先生 中宗庚午生員戊寅與成聽松徐花潭成節孝諸公同被別薦舉賢良終不赴召在館學十餘年諸名流皆折節與交期以黼黻己卯秋九月 中宗臨御明倫堂進先生講大學未幾北門禍作賢人君子駢首罟獲先生奮然特起率洋儒千餘人自當疏首自製陳疏辭旨慷慨義理森嚴排闥抗

章乞貸靜菴諸賢繼而號哭聲徹大內 王命拿疏頭公遂就獄諸儒爭先隨
後先生竟定罪與靜菴冲菴服齋諸賢同被竈命辛巳流平海辛卯四月量移
禮山而卒于謫廬享年四十六士林會葬于大興縣牛井洞天乎慟哉 宣祖
乙巳因宰臣館學儒生疏請與靜菴諸賢快蒙昭雪監司閔維重與判書洪夏
錫改封墓致誄曰血脚懿誠百世有辭抗章辨誣斯文愈光郡守洪萬選樹表
石題之曰有明朝鮮己卯名賢進士李公若水之墓 肅宗戊子成均諸生與
判書朴泰世監司李錫福進士尹奎齡等二百餘人建祠于墓下揭額牛井祠
春秋享祀矣先生之嗣子止山公誠時年尚穉隨其母夫人尚州朴氏避禍漂
落中遭內艱葬于末屹山而戊戌移窆于高山縣鷲谷後孫仍隱深山絕配全
州李氏生次斧子孫世居茂長一自士禍後承流落零丁宗族阻絕故庚甲二
譜闕漏恨悔切有所感而 英祖丙戌始勅派譜又 純祖丙戌再發因為癸
己二大譜修單合譜然己未譜犯誤謬故乃圖辨偽今整刊世譜矣先生之學

業文章為館學領儒而詩若文想累教萬言兵燹禍變不齊舉皆散逸幸傳詩
文遺稿一部手澤尚新可以一羽見全鳳之采也恐遂泯滅每自惻然今幾粗
完史乘并諸家文獻蒐輯成編亦為鈔梓略書以記之其或恕其僭而表其志
也耶

西紀一九七三年癸丑孟春後孫校長鍾泰謹序

昭穆圖

八克五君三若

始祖

一代

二代

三代

四代

五代

六代

七代

八代

九代

仁齡

遭

東仁

世年

毅

成忠

春陽

希增

應禎

長孫

克圭

益壽

鵬

彥任

弘

海

克培

世忠

守謙

以乾

時茂

廷立

世佐

守元

延慶

灑叟

宗慶

出后

承慶

有慶

餘慶

守亨

宗慶

入后

守義

枝慶

守貞

潤慶

景德齋

浚慶

東皋

世佑

滋

若水

牛泉

唐

集

之直

仁孫

克堪

自始祖至十五代

廣州李氏牛泉公家譜卷八

天齡 自齡 希齡

之剛—孟孫
之柔—一元

禮孫

克增 克墩 克均 克基 克堅

世傑—守震

元慶 亨慶 貞惠

若冰(稱巖)
若海(首巖)

世俊—守忠—振慶—民聖—德馨
(漢陰)